

ՅՈՒՐԵԼԵԱՆԱԿԱՆ

Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՆԱՅՈՅ ԿԱԹՈՂԻԿՈՍԻ ԽՈՍՔԸ ԳԵԻՈՐԳՅԱՆ ՆՈԳԵԻՈՐ ՃԵՄԱՐԱՆԻ ՈՒՍՈՒՄՆԱԿԱՆ ՏԱՐԵՄՈՒՏԻ ՆԱՆԴԻՍՈՒԹՅԱՆ ԺԱՄԱՆԱԿ

(15 սեպտեմբերի, 2014 թ.)

Սիրելի՛ հոգևոր հայրեր, դասախոսներ, սաներ և ներկաներ,

Ուրախ ենք բոլորս 2014-2015 ուսումնական տարեմուտի առիթով: Այս տարին նաև հոբելյանական է մեզ համար, առաջիկային տոնախմբելու ենք Գևորգյան հոգևոր ճեմարանի 140-ամյակը: Այս պահին Մեր հոգին բերկրում է այնպես, ինչպես Գևորգ Դ. երանաշնորհի Նայրապետի, ով մեծ տեսիլքով հաս-տատեց հոգևոր այս կրթօջախը: Անցնող 140 տարվա ընթացքում Գևորգյան ճեմարանը Ասրծո օրհնությամբ մեծ ներդրում ունեցավ ազգային մեր կյանքում: Այսպես դասավանդեցին և ճեմարանի հոգևոր անդաստանը ծաղկեցրին մեծանուն մարավորականներ ու հոգևորականներ, նրա լուսեղեն հարկի ներքո հասակ առան մեր ժողովրդին փառք ու պատիվ բերած հայագետներ, գիտության ու մշակույթի ականավոր ներկայացուցիչներ, ինչպես նաև՝ մեծավաստակ հոգևոր առաջնորդներ: Աստված աճեցրեց ու կենսապու պահեց հոգևոր մեր այս տունը, մեր բոլորի միշտ սիրելի, միշտ նվիրական ճեմարանը:

Այսօր աղոթք ենք բարձրացնում և աստվածային օրհնություն հայցում լուսահոգի Գևորգ Դ. երախտարժան Նայրապետի, ինչպես և՛ ճեմարանի համար խնամք տարած, այն լուսավոր պահած երախտավորների հիշատակին՝ ձեզ հետ միասին հավար ու վստահություն ունենալով ճեմարանի ընդմիշտ պայծառության և նրա գործունեության առավել ու առավել արդյունավորման հանդեպ:

Ճեմարանի առաքելության շարունակողներն այսօր դուք եք, սիրելի՛ դասախոս մանկավարժներ: Դուք մասնակիցն եք Նայ Եկեղեցու հոգևոր սպասավորների, վաղվա հոգևոր առաջնորդների, հայ մարավորականների կերտման գործին՝ ձեր հոգում կրելով վաղվա լուսավոր օրվա տեսիլքը այս հաստատության, ինչպես և՛ մեր Եկեղեցու, որ աստվածօրհնյալ ուղիներում պահպանի և առաջնորդի մեր ժողովրդին: Մաղթում ենք, որ դուք այս հաստատության դերի ու կատարության նույն գիտակցությամբ, նրա առաքելության հանդեպ նույն

հավարով իրականացնեք ձեր աշխարանքները, որպեսզի ձեր նվիրյալ ջանքերը բազում պարտքեր բերեն եկեղեցական և ազգային մեր անդասարանում՝ Ավետարանի խոսքի համաձայն մեկի դիմաց երեսուն, մեկի դիմաց վաթսուն և մեկի դիմաց հարյուր (Մարկ. Դ. 8):

Ճեմարանի կյանքում և առաքելության մեջ մեծապես կարևորված է նաև տեսչության աշխարանքը: Տեսուչ, փոխտեսուչներ, վերակացու-դասարանականներ, ովքեր մեր սանուց համար ծնողներ են, եղբայրներ, հոգևոր խորհրդարաններ: Նրանք այն պահից, երբ ծնրադրել են Տիրոջ Սուրբ Մեղանի առջև, ուխտել են նմանություն բերել մեր քրե Նիսուս Զրիսարոսին, նրա կյանքի օրինակով ապրել ու գործել, և այդ օրինակը առավել չափով անհրաժեշտ է այս լուսեղեն հասարակության հարկի ներքո, որտեղ հոգիներ են կրթվում, որտեղ ապագան է կերպվում մեր Եկեղեցու, որտեղ երերուն քայլերով դեպի այս հասարակություն եկած սաները, հասակ առնելով, որոշում պիտի կայացնեն՝ իբրև հոգևոր սպասավորներ ծառայելու մեր Եկեղեցում: Մենք պիտի ցանկանք, որ ճեմարանի տեսչությունը մշտապես այդ հայրախնամ հոգածությունն իրականացնի մեր սանուց կրթական-դասարանական գործում: Բնական է, որ պետք է լինենք խստապահանջ, հարկ եղած դեպքում՝ պարժենք նույնիսկ, սակայն ձեր ամեն ինչը սիրով թող լինի, ինչպես առաքյալն է պարվիրում (Ա. Կորնթ. ԺԶ. 14): Իշխանությունն առանց սիրո բռնություն է: Մենք ցանկանում ենք, որ մեր յուրաքանչյուր սանի սիրտ լցվի այդ սիրով, որով ընդառաջ գնան Եկեղեցու անդասարանում ծառայելու աստվածապարզ և շնորհի ընկալմանը:

Սիրելի՛ ճեմարանական սաներ, Մենք վարահ ենք, որ դուք լավագույնս կօգտագործեք Գեորգյան հոգևոր ճեմարանում ուսանելու ձեզ ընձեռված հնարավորությունը, որ ամբարեք գիտելիքներ, ամբարեք իմաստություն և փորձառություն: Աճեցրեք և զորացրեք ձեր մեջ հավարքի ապրումն ու զգացումը, որովհետև գիտեք առաքյալի խոսքի ճշմարտությունը՝ առանց հավարքի գործերը մեռած են (Յակ. Բ. 17): Նավարքն է գործերին կենդանություն և հավերժություն պարգևում: Մենք պիտի ուզենք, որ ձեր գործերը լինեն կենդանի գործեր՝ դեպի հավիրենություն միաված, որպեսզի մեր Եկեղեցու ընթացքը և մեր ժողովրդի կյանքը միշտ լինեն հավերժության լույսով առաջնորդված:

Սիրելիներ, Մեր գնահատանքը և օրհնությունն ենք բերում ձեզ, Գեորգյան հոգևոր ճեմարանի բոլոր աշխարակիցներին՝ տեսչական կազմին, մանկավարժներին, վարչա-տնտեսական պաշտոնականներ և սիրասուն սանուց: Աղոթում ենք, որ Տիրոջ հովանին հանապազ պահապան լինի ձեզ և համայն մեր ժողովրդին և շեն ու պայծառ պահի Մայր Աթոռի Գեորգյան հոգևոր ճեմարանը՝ այսօր և միշտ. ամեն: